



Pola tone skanka u garaži

Vrijednost oduzete droge u Čapljini procijenjena je na četiri miliona KM

Piše: **AMRA BRKIĆ-ČEKIĆ**

Pripadnici **SIPA** su u nastavku akcije Tebra na području Čapljine pronašli oko pola tone skanka, čija se vrijednost procjenjuje na četiri miliona maraka. Saznajemo da je droga bila sakrivena u jednoj oronuloj garaži i zapakovana u 19 vreća.

SIPA, za sada, traga za dvije osobe osumnjičene da su skank nabavljale na području Albanije, a potom su ga preko Crne Gore dovezile u Bosnu i Hercegovinu kako bi ga dalje prodavale u Hrvatskoj i drugim zemljama EU. Navodno se traga za Vinkom Miloševićem, te još jednom osobom

sa Pala. Kako se jučer moglo čuti, oni su osumnjičeni da su skupa sa još 20-ak osoba u posljednje tri godine u Hrvatsku prokrijumčarili najmanje 15,73 tone marihuane, na osnovu čega su pribavili oko 11 miliona eura koje su međusobno podijelili u skladu sa svojim ulogama i dogovorom. / STR. 27.

U garaži krili pola tone skanka

Vrijednost oduzete droge procjenjuje se na četiri miliona KM • Policija traga za osumnjičenima

Pripadnici Agencije za istrage i zaštitu BiH (SIPA) u akciji kodnog imena Tebra na području Čapljine zaplijenili su oko pola tone skanka vrijednosti 4 miliona maraka. Kako je saopćeno iz Tužilaštva BiH, po čijem je nalogu rađena akcija, droga je otkrivena i zaplijenjena u mjestu Gabela Polje. Kako nezvanično saznajemo, droga je pronađena u jednoj oronuloj garaži u vrećama, koje su bile prekrivene starim dekama.

Lanac krijumčarenja

SIPA, kako saznajemo, za sada traga za dvije osobe osumnjičene da su drogu nabavljale na području Albanije, a potom su je preko Crne Gore dovozele u Bosnu i Hercegovinu kako bi je dalje prodavale u Hrvatskoj i drugim zemljama EU.

Osumnjičeni dvojac je sa saučesnicima u posljednje tri godine prokrijumčario 15,73 tone marihuane vrijedne 12 miliona KM



Droga je bila upakovana u 19 vreća

Vrijednost zaplijenjene opojne droge na ilegalnom narkotržištu u zemljama EU dostiže više od 2 miliona eura.

- Ovo je jedna u nizu zapljena opojne droge marihuana-skank u količinama od više stotina kilograma, koje su realizirane u proteklih nešto više od godinu, naveli su iz Tužilaštva BiH, uz napomenu da sa partnerskim agencijama nastavlja intenzivnu istragu sa ciljem procesuiranja osoba uključenih u međunarodne lance krijumčara opoj-

nih droga. Prema nezvaničnim informacijama, osumnjičeni dvojac je angažirao advokate koji su kontaktirali inspektore SIPA da bi se predali. Istražitelji navodno provjeravaju gdje se dileri nalaze i hoće li SIPA pristati na njihove uslove.

Inače, akcija Tebra je nastavak one iz jula ove godine, kada su pripadnici hrvatskog USKOK-a, SIPA, te MUP-a Hrvatske uhapsili desetak osoba i zaplijenili ukupno 500 kilograma droge u Hrvatskoj i BiH.

Osumnjičenima je na teret stavljeno da su u zadnje tri godine u Hrvatsku prokrijumčarili 15,73 tone marihuane te ostvarili protupravnu imovinsku korist od 11 miliona eura koji su međusobno podijelili u skladu sa svojim ulogama.

Provjere

Hapšenja su izvedena na području Zagreba, Splita, Raba i Korčule te u Ljubuškom. Među članovima ovog zločinačkog udruženja bilo je i nekadašnjih pripadnika policije. Jučer se nezvanično moglo čuti i da su upravo nekadašnji pripadnici policije pomagali u prebacivanju droge iz BiH u Hrvatsku, ali ove informacije se još provjeravaju. Za sada se pretpostavlja da je osumnjičena grupa u posljednje tri godine iz BiH u Hrvatsku prokrijumčarila 15,73 tone marihuane te da je na taj način sebi pribavila više od 12 miliona KM.

A. B. Č. i A. D.



U akciji Tebra oduzeto je i oružje